



მე წარმედგინა სამოთხე და ჯოჯოხეთი, და არ მინახავს ისეთი არც სიკეთე და არც ბოროტება, როგორიც დღეს ვნახე, რომ გცოდნოდათ ის, რაც მე ვიცი ცოტას იცინებდით და ბევრს იტირებდით

ანას იბნ მალიქის (აღლაჰი იყოს მისით კმაყოფილი) გადმოცემით, აღლაჰის შუამავალთან (აღლაჰის ლოცვა და მშვიდობა მას) მისი მიმდევრებისგან რაღაც ამბავმა მიაღწია, მან კი მიმართა მათ და თქვა: «მე წარმედგინა სამოთხე და ჯოჯოხეთი, და არ მინახავს ისეთი არც სიკეთე და არც ბოროტება, როგორიც დღეს ვნახე, რომ გცოდნოდათ ის, რაც მე ვიცი ცოტას იცინებდით და ბევრს იტირებდით». ანასმა თქვა: აღლაჰის შუამავლის (აღლაჰის ლოცვა და მშვიდობა მას) თანმხლებთათვის ეს ყველაზე მძიმე დღე გახდა. ისინი იხურავდნენ თავებს და მათი მხრიდან ქვითინი ისმოდა. მან თქვა: უმარი წამოდგა და თქვა: ჩვენ კმაყოფილნი ვართ აღლაჰით, როგორც ჩვენი ღმერთით, ისლამით, როგორც ჩვენი რელიგიით, და მუჰამმადით, როგორც მოციქულით. მან თქვა: ამ დროს წამოდგა ერთი კაცი და თქვა: ვინ არის მამაჩემი? შუამავალმა თქვა: «მამაშენი ეს და ეს პიროვნებაა», ამაზე გარდმოევლინა აღლაჰის სიტყვები: {ჰეი თქვენ, რომელთაც ირწმუნეთ! არ იკითხოთ ისეთი რამ, თუკი განგეცხადებათ- დაგამწუხრებთ}. [ალ-მაიდა: 101].

[სანდო (საჰიბ)] [შეთანხმებული]

შუამავალთან (აღლაჰის ლოცვა და მშვიდობა მას) მიაღწია მისი საჰაბებისგან ამბავმა, რომ ისინი მას ძალიან ბევრ შეკითხვებს უსვამდნენ, შუამავალი გაბრაზდა და მიმართა: ჩემ წინ წარმოდგენილი იქნა სამოთხე და ჯოჯოხეთი. მე არასოდეს მინახავს ისეთი უზარმაზარი სიკეთე, როგორიც დღეს სამოთხეში ვიხილე, და არასოდეს მინახავს ისეთი საშინელი ბოროტება, როგორიც დღეს ჯოჯოხეთში ვიხილე. თუკი თქვენ დაგენახათ ის, რაც მე ვიხილე, და გცოდნოდათ ის, რაც მე ვიცი — იმიდან, რაც დღეს და მანამდე მაჩვენეს — განიცდიდით დიდ შიშს, გაცილებით ნაკლებს იცინებდით და ბევრად მეტს იტირებდით. ანასმა (აღლაჰი იყოს მისით კმაყოფილი) თქვა: მოციქულის თანმხლებთათვის არ ყოფილა დღე იმაზე მძიმე, ვიდრე ეს. მათ თავები დაიფარეს, და მათი ცხვირებიდან ისმოდა ხმაური ძლიერი ტირილისგან გამონვეული ქვითინისა. მაშინ უმარმა წამოდგა (აღლაჰი იყოს მისით კმაყოფილი) და თქვა: ჩვენ კმაყოფილნი ვართ აღლაჰით, როგორც ღმერთით, ისლამით, როგორც რელიგიით და მუჰამმადით, როგორც შუამავლით. თქვა: წამოდგა ერთი კაცი და იკითხა: ვინ არის მამაჩემი? თქვა: მამაშენი ესა და ეს კაცია, და გარდმოევლინა აიათი: {ჰეი თქვენ, რომელთაც ირწმუნეთ! არ იკითხოთ ისეთი რამ, თუკი განგეცხადებათ- დაგამწუხრებთ}. [ალ-მაიდა: 101].

النجاة الخيرية
ALNAJAT CHARITY

